

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 24.03.2023թ. թիվ 5300001790 որոշումը բեկանելու և վարչական իրավախախտման վերաբերյալ գործի վարույթը կարճելու մասին

<<10>> 04 2023թ. 7-13

3247

ք.Երևան

Ճանապարհային ոստիկանության պետ, ոստիկանության գնդապետ Ն.Սարգսյանս, վերանայելով Դավիդ Սարգսյանի ՄԴ/25246-23 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Քաղաքացի Դավիդ Սարգսյանը (**ծանուցման հասցե՝ ք. Երևան, Նոր Նորք Վարչական շրջան, Շոպրոնի փողոց, 12 շենք, 35 բնակարան**) դիմումով խնդրել է բեկանել Ճանապարհային ոստիկանության կողմից կայացված վարչական տույժ նշանակելու մասին թիվ 5300001790 որոշումը՝ նշելով, որ նույն իրավախախտման համար վարչական պատասխանատվության է ենթարկվել նաև պարեկային ծառայության 8180152914 որոշմամբ, որի համար կատարել է վճարում:

Վարչական իրավախախտումների վերաբերյալ ՀՀ օրենսգրքի 286-րդ հոդվածի 1-ին մասի համաձայն՝ Դավիդ Սարգսյանը ճանաչվել է որպես իրավախախտում կատարած անձ, ուստի նրա կողմից ներկայացված դիմումը ենթակա է քննության:

Դիմումի քննարկման արդյունքում պարզվել է, որ վարչական տույժ նշանակելու մասին թիվ 5300001790 որոշումը ենթակա է բեկանման՝ հետևյալ պատճառաբանությամբ.

<<Վարչարարության հիմունքների և վարչական վարույթի մասին>> օրենքի 37-րդ հոդվածի 1-ին մասի համաձայն՝ վարչական մարմինը պարտավոր է ապահովել փաստական հանգամանքների բազմակողմանի, լրիվ և օբյեկտիվ քննարկումը՝ բացահայտելով գործի բոլոր, այդ թվում՝ վարույթի մասնակիցների օգտին առկա հանգամանքները:

<<Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած **տեսանյութն է կամ լուսանկարը**, որը պարունակում է նաև տեխնիկական միջոցով արձանագրված տվյալները: Ըստ նույն հոդվածի 2-րդ մասի՝ որպես իրավախախտումը հիմնավորող ապացույց վարչական կամ դատական կարգով բողոքարկման վարույթում կարող են օգտագործվել Վարչական իրավախախտումների վերաբերյալ Հայաստանի Հանրապետության օրենսգրքի 251-րդ հոդվածով նախատեսված ապացույցները:

<<Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 1-ին հոդվածի 2-րդ մասի համաձայն՝ սույն օրենքի գործողությունը չի տարածվում, երբ ճանապարհային երթևեկության կանոնի խախտումը հայտնաբերվել է ոստիկանության ծառայողի կողմից, և տրանսպորտային միջոցը օրենքով սահմանված կարգով կանգնեցվել է՝ անկախ խախտումը տեխնիկական միջոցով ամրագրված լինելու հանգամանքից:

Վարչական վարույթի ընթացքում կատարված ուսումնասիրության արդյունքում պարզվել է, որ դիմումատուն <<BMW >> մակնիշի 10XL777 հաշվառման համարանիշի տրանսպորտային միջոցով 13.03.2023թ-ին՝ ժամը 16:06-ին Երևան քաղաքի Դերենիկ Դեմիրճյան փողոցի հատվածում թույլ է տվել ճանապարհային երթևեկության կանոնի խախտում: Նույն իրավախախտման համար << ՆԳՆ ոստիկանության պարեկային ծառայության Երևան քաղաքի գնդի ծառայողի կողմից 13.03.2023թ-ին՝ ժամը 16:49-ին կազմվել է վարչական իրավախախտման վերաբերյալ արձանագրություն և կայացվել 8180152914 որոշումը:

Այսպիսով ակնհայտ է, որ միևնույն արարքի համար անձը երկու անգամ է ենթարկվել վարչական պատասխանատվության, ուստի Ճանապարհային ոստիկանության կողմից կայացված վարչական տույժ նշանակելու մասին թիվ 5300001790 որոշումը ենթակա է բեկանման:

Ելնելով վերոգրյալից և ղեկավարվելով Վարչական իրավախախտումների վերաբերյալ << օրենսգրքի 247-րդ հոդվածի 1-ին մասի 8-րդ կետով, 286-րդ հոդվածի 1-ին մասով և 293-րդ հոդվածի 1-ին մասի 3-րդ կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 24.03.2023թ. թիվ 5300001790 որոշումը բեկանել և վարչական իրավախախտման վերաբերյալ գործի վարույթը կարճել.
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել << վարչական դատարան՝ օրենքով սահմանված կարգով և ժամկետներում.
3. Սույն որոշման օրինակն ուղարկել Դավիդ Սարգսյանին:



Ն. Սարգսյան